

菩薩生地經

吳黃武年三歲支謙譯

聞如是一時佛遊於迦維羅衛國釋氏精廬
尼拘類樹下與五百比丘眾俱是時城中有
釋種長者子名差摩竭行詣佛所稽首畢一
面坐叉手白佛言菩薩何行疾得無上正真

之道普具三十二相從一佛國到一佛國臨
壽終時其心不乱所生不墮八難之與常知
去來之事悉成諸法周滿達事知一切法無
所罣礙信解空行得不起法忍恒以至心欲
作沙門未曾犯戒不樂居處佛言大哉差摩
竭乃問菩薩之行忍辱為本以立忍力乃疾

得佛忍有四事何等為四一曰若罵詈者默
而不報二曰若搗捶者受而不報三曰若瞋
恚者慈心向之四曰若輕毀者不念其惡佛
時頌曰

擗詈不以恚 輕毀亦不恨 菩薩忍如是
所問悉可得 慎言不欺慢 未曾起亂意

不犯不有惡 是行得佛疾 開士常以忍
敦誠行大慈 是用得成佛 三十二相明
從事於惡者 常喜加捶杖 害心放於人
是不離惡道 邪見自貢高 急慙好瞋恚
彼為自投冥 終不近菩薩 愚以貪強梁
自用無禮敬 不知孝父母 是以有獄苦

夫欲疾得佛 當修戒德本 依受善師教
等心施於人

又有四事行疾得佛何等為四一曰愛樂明
經好菩薩道盡心護法教誨於人二曰遠離
女人不與從事三曰常好布施沙門梵志四
曰以不睡卧係心空行佛時頌曰

若以樂沙門 常勤護經道 愛法不遠師
如是人難得 深學求佛意 多聞廣開人
好施無慳心 是行得佛疾 女人不可親
敗德亂世間 從事於欲者 未嘗近菩薩
是以清高士 常防遠女色 淨修菩薩道
大悲濟天下

於是耆摩竭即解身珠寶瓔珞用散佛上佛之威神令其所散止於虛空化成寶蓋中有五百化人出亦解身珠寶以散佛上俱發聲言願發無上正真道意耆摩竭見諸化人踊躍歡喜問佛言此化所出從天來耶四方四隅地中來乎佛報言是化不從十方來亦非

必

生也

二

天亦非龍亦非神亦非人亦非地水火風空非色痛想行識非意非心非作非往非來亦非今世亦非後世亦非生死是人名化字無從生号為空如影現於鏡中無執無捨無由來無所得無我無人無命無識若男子女人見知諸法如化無識聞此好信而行應者是即佛子為已去真興世間明為能降魔成極大德是為沙門梵志為清淨菩薩大人為無從生已得受決為不退轉無上之人信樂此法為如是也佛告耆摩竭若聞此經而心驚恠誹謗形笑當知是輩非沙門梵志是為外道放逸之人為無返復惡師之人為闇蔽無

眼詐稱菩薩是為誣罔拉變之人也於是弊魔來問佛言信此法者能有幾人佛報魔言有四百億欲天及人皆得無所從生法樂於中立是時耆摩竭得不起法忍五百比丘及五百清信士二十五清信女皆得立不退轉地壽終悉當生於西方無量佛清淨國常護

持無數佛法教化成就一切人民使不退轉如是無極恒沙邊劫當於此土以次作佛魔聞佛言稍稍却行而謂佛言後可不須復說此法也賢者阿難白佛言當何名此經以何奉持之佛語阿難是經名為菩薩生地經耆摩竭所問當奉持之百劫行五度無極而無

三

大智無菩薩者不如諷誦此經義以分布為人說佛時頌曰
若信學生地經
其功德無有量
斯已度三惡道
後受者福皆然
佛說此已耆摩竭及四輩弟子諸天龍神皆歡喜受持

